

DE  
THEOLOGO  
REFORMATORE  
PERPETVO  
ORATIO SYNODALIS

IN CONVENTV PASTORALI  
DIE MAGNI THEOLOGI REFORMATORIS



B. MARTINI LVTHERI  
ONOMASTICA

A. O. R. MDCCXLI.

DICTA

A  
RVDOLPHO FRIDERICO  
DE VVICHMANSHAVSEN,

PAST. LIEBENVVERD. ET EIVSD. DIOECESEOS  
SVPERINTEND.

---

TORGAVIAE,  
LITERIS IO. GOTTL. PETERSELLIANIS,  
MDCCXLII.





VIRI PLVRIMVM REVERENDI.

AMPLISSIMI, DOCTISSIMI,

FRATRES IN CHRISTO CHARISSIMI,

**M**yfteriorum cœleftium difciplinæ, olim placitis humanis depravatæ; iam vero ad veterem divi-  
namque normam, quæ eft Dei gratia, reductæ,  
hilaresh recordamur. Huius operis, tam mirabi-  
liter editi, cum autor fit ipfe Deus, ita fideliffimus eius ad-  
minifter, Pater beatus, in ecclefiam Evangelicam optime  
meritus, Doctor Martinus Lutherus, hinc feliciffimus fan-  
ctiffimæ religionis merito dictus eft Reformator. a)

A 2

Eccle-

---

a) Ille enim partim officii conscientia fretus, partim caufæ bonitate  
nixus, partim potentia & ope Dei fultus, rem (ecclefiam emen-  
dandam) non tantum fortiter & fapienter aggreffus eft, fed excel-  
lenter etiam feliciterque confecit omnem, ut folus reformatoris ti-  
tulo meruerit a nobis nuncupari &c. vide b. D. Ioh. Bened. Carp-  
zov. Programma Lipf. 1690. de Luthero vero Reformatore Lipf.  
1678. Videatur Pietas Acad. Lipf. in Reformat. divi Lutheri memo-  
riam quinquaginta differt. exhibita, cura celeberr. Chrift. Frid.

Bær.

Ecclesiæ ergo faciem, quam illa Lutheri beneficio est consecuta, renovatam, ut perpetuam nobis esse iubeat summus rerum gubernator, istamque fidei pariter ac morum doctrinam nobis denuo concreditam, conserve puram atque illibatam, semper in votis habeamus necesse est, *Fratres Charissimi!* Absint itaque a nobis omnes, solennem divi Lutheri ecclesiæ reformationem alto supercilio aspernantes, sacra nostra carpentes omnia, & nihil rectum, nisi quod ipforum moribus conveniat, putantes, novam qui ecclesiæ nostræ reformationem meditantur. b) Interim tamen,

Bærneri Lips. 1717. item Nic. Hunnii Beweis, daß D. M. Lutherus von Gott zur Reformation beruffen, qui libellus cum Dresdæ 1717. recudetur, in præfatione præmissa, Summe Vener. D. V. E. Löscherus proprie loquendo non tam Lutherum, quam potius verbum Dei ecclesiam reformatam ostendit. Conferatur C. A. Heumannii Programma de providentia reformatrice, quod est secundum in eiusdem Lutheri Apoclyptico. Divinum quidem opus in Reformatione b. Lutheri agnoverunt Ven. D. E. S. Cyprianus in Præf. præmissa P. II. Tenzelii Bericht von der Reformation, & cap. 26. des Historisch. Theologischen Berichts vom andern Jubel-Fest. atque Raphelius in einigen zu'n Lutherischen Jubel-Jahr und Wiederlegung einer Päpstlichen Schrift dienenden Lehren. Male igitur Emserus reformationem, odio Lutheri in sacerdotes pontificios in Bedingung auf Luthers ersten Widerspruch in 4. auf Fibigerus odio in Papam tribuit in dem in Schlesien gerallig eingerissenen Lutherthum, Breslau 1717. in 4. P. 1. incommode vero variis causis politicis adscribunt Hermannus von der Hardt & Heumannus l. c. quibus oppone D. I. F. Buddei Disp. quæ inscribitur: divinæ providentiæ circa ecclesiæ reformationem a b. M. Luthero susceptam assertio.

b) vid. b. Neumannus in Theol. Aphor. Artic. de Ecclesia Aph. XIII. Itaque

men, nos in media ecclesia repurgata inter infinitam impiorum multitudinem versari, cum Apologia Augustanæ nostræ confessionis in Articulo quarto de Ecclesia lubenter profitentes, impios in ecclesia quotidie esse reformatandos, hominesque perpetuo ad veram fidei atque morum normam emendandos, haud inficiamur. Et eiusmodi quidem reformationem usque ad mundi finem etiam in illis ecclesiis, quæ Dei verbo gaudent in corrupto, & legitimo sacramentorum usu perfruuntur, esse continuandam putamus. At longe alia hæc, ab omnibus ecclesiæ ministris merito instituenda, est reformatio, atque ea est, quæ a novatoribus, nil nisi turbas concitantibus, frustra quaritur, introducenda. c) Est enim semperque fuit, prava mor-

A 3

talium

Itaque Reformatio Ecclesiæ nostræ, quæ a plerisque hodie attentatur, præpostera est. Evolvatur porro eiusdem Aut. beati de Reformatismo Ecclesiæ nostræ intentato. Witteb. 1717. & compareretur Disput. eiusdem. VI. Anti-Chilistica de Papatu Ecclesiæ Orthodoxæ Witteb. 1716.

- c) Sic Thomas Munzerus statim post Lutheri Reformationem & post eum Schwenkfeldius aliam adhuc & plane puriorem restare reformationem impie profitebantur. Eandem reformandæ Ecclesiæ potestatem Quakeri & alii Fanatici sibi arrogant, ut de Socinianorum aliorumque Ecclesiam reformandi, potius deformandi, pruritu raceamus. Sed pro Dei verbo fumos visionum & naturæ corruptæ venditant, *ὑποτυπωτικὴν ὑγιανοντων λογῶν* in meras *κενοφωνίας* & *καινοφωνίας* transmutant, *sacerdotiam* doctrinam de iustificazione per solam fidem evertunt, imaginaria sua reformatione, Ecclesiam nostram Lutheranam in pessimam vel Indifferentistarum vel Enthusiastarum colluviem transformant & deformant, ut Christianus Hohburgius in *Niegenspurghischen Heerhold* P. II. Amsterd. 1664. in 8. Brecklingius in *Friderico resurgente*

1683.

talium indoles ea, ut plerique tenebras luci præferant, nubem pro lunone, carbones pro thesauro amplectantur. Hinc Theologus ὑποτυπῶσιν των ὑγιαίνοντων λογῶν seu sanorum verborum formam atque exemplar tenens, d) huius ductum in munere sacro sequatur, ut homines, suæ curæ commissi, huic typo fingantur simillimi, & ad hanc quidem formam primigeniam, beati Lutheri ministerio, nobis restitutam, in fide & charitate quotidie magis magisque reformatur.

Quæ

1683. in 8. Christ. Eberh. Weismannus in introduct. in Memorabilia hist. eccles. P. II. p. 85. Stutgard 1719. & Ioach. Langius in Nachrichten T. 12. p. 88. C

d) 2. Tim. I, 13. Vid. Witsii Exercit. XVI. de vita Timothei §. 5. ὑποτυπῶσις των ὑγιαίνοντων λογῶν exemplum est bene expressum sive formula quædam ac σκιαγραφία, quam in conspectu habemus, ut eius ductum sequamur. Paulus itaque, qui Theologiam τυπον διδασκῆς alio loco nuncupat, nihil aliud, quam id per hanc loquendi formulam indigare videtur: Sermones meos, o Timothee, habe ut exemplar loquendi, cogitandi & faciendi. Quod eleganti παραφρασεῖ ex Chrysostomo illustravit Theophylactus: Ὅσπερ ζωγραφὸς ἐγράφει σοι καὶ ὑποτυπῶσα μὴ εἰκόνα καὶ ἀρχετυπον, ἵνα πρὸς τὸ τοῦ ἀφορῶν καὶ αὐτοῦ ζωγραφῆς ταύτην τὴν ὑποτυπῶσιν των ἐμῶν λογῶν. τὰ τε ἐδὶ τοῦ ἀρχετυπου ἔχει, καὶ τὴν δὲ ζωγραφῆσιν, ἀπ' αὐτῆς λαμβάνει καὶ ζωγραφεῖ, πάντα γὰρ ἐναποκρίνεται. Pictoris instar depinxi atque expressi imaginem atque archetypum, ad quem ipse respiciens, hanc sermonum meorum formam depingere possis: hoc est: archetypum habe, ac si quid pingendum fuerit, ab illa imagine sume ac pinget, illic enim omnia reposita sunt. Sic τυπος idem est quod ὑπογραμμος, forma quædam delineata, qualem nobis a Christo in perfectionibus esse relictam Petrus affirmat 1. Petr. II, 21. quem ut semper intuentes, ad parem virtutem excitemur.

Quæ mihi consideranti in Vestra, Venerabiles Fratres, suavissima præsentia, magnique illius Ecclesiæ nostræ Reformatoris, Martini Lutheri, die, qui hodie in fastis legitur, onomastico, a munere nostro non alienum, sed potius perquam apte eidem accommodatum visum est argumentum, quod de Theologo, Reformatore perpetuo, brevibus exponeret, quodque ut attente & benevole audiat, a vobis peto vosque rogit.

Non novam autem alicuius rei productionem, sed iam productæ, corruptæ tamen atque depravatæ, restitutionem, vi nominis significat reformatio. Cum autem novam formam res reformata sortiri nonnunquam dicitur, non absolute & de tali forma antea non existente, sed comparate & secundum quid, prout ad vitium rei seu ipsius depravationem respicitur, id est intelligendum.

Quæ ergo Ecclesiæ contigit reformatio, nihil aliud, nisi emendatio fuit & in meliorem formam restitutio. Homo enim, sanitati restitutus, non aliam inde accipit substantiam, nec domus, restaurata & a sordibus purgata, nova plane est censenda. Ecclesiæ autem reformatio, vel est solennis, quæ per providam Numinis curam, singulari ratione hic sese exferentem, subinde ei obtigit, e) vel perpetua, quæ ministerio Ecclesiastico in emendando atque corrigendo quotidie incumbit.

Illam

- 
- e) Primæ omnium, quæ statim hominum post lapsum facta est, restitutionis Ecclesiæ solennis documentum, Enoch, dein Noach, postea Abraham, Moyses, aliorumque temporibus, in sacris literis legimus relatum. Vid. Luth. in Comment. ad Genes. Hos excipit Iosua, sacramentum circumcisionis, fidei Abrahamiticæ sigillum,

Illam vero post ultimam, Lutheri ministerio factam, denuo anhelantes, Ecclesiam, molitionibus suis, magis conturbare quam reformare iure meritoque videntur. Hanc vero quærentes præcipuam muneris sacri partem esse expleturos arbitramur. Nobis quidem, Lutheri beati reformatione contentis, quoad doctrinam ipsam sublimius non est adscendendum. Verbum enim Dei, ut nota ecclesiæ veræ *πρωτος* seu primario dicta, pure adhuc docetur, & Sacramenta, tanquam verbi appendices *δευτερος* vel secundo, ut loquitur beatus Calovius, f) rite administrantur, adeoque quamvis multi hanc ecclesiæ emendationem non admiserint, neque illius formam culpa sua sequantur, novam

---

figillum, per quadraginta annos oblivioni datum, restituens, Ios. V. 9. Hunc sequitur Samuel, cuius ministerio totus Israël a Dan usque ad Bersabam convertebatur. 1. Sam. III, 1. 20. 29. Maximum posterioribus temporibus reformationis solennis opus incepit Iosias, pius Rex Iudæorum, qui terram ab idololatria repurgando, legis libro, qui per multos annos ab hominum memoria fuerat remotus, reperto, cultum divinum ubique restauravit. 2. Chron. XXXIV. 1. Reg. XIII. Illustre est cum primis Esdræ exemplum, qui post solutam populi Iudaici captivitatem, in eo fuit totus, ut Ecclesiam Israëliticam, a corruptelis, quæ eam mirum in modum deformaverant, denuo repurgaret. Tacemus cæterum, solennem illam & omnibus numeris absolutam, Ioh. Baptistæ & ipsius Salvatoris Ecclesiæ reformationem. Et quem fugit denique ultima, quam solennem appellare licet, Ecclesiæ reformatio, per beatum Martinum Lutherum a Deo feliciter perfecta, qua non novam quidem formam Ecclesia accepit, interim tamen solenni modo ad antiquam fidei & charitatis formam emendata fuit atque renovata? Confer b. Io. Henr. Maii Historiam Reformationis per Vet. & Novum Testamentum Francof. in 4.

f) B. Calovius in Exegef. A. C. Art. VII, §. 13.



novam tamen Ecclesiæ mutationem quærere, hoc quidem temerarium foret atque infelici conatu innovandi studium redoleret. g)

Nihilo tamen secius, cum & inter eos, qui Ecclesiæ evangelicæ sacra profitentur, multi in magna partim ignorantia, non leviori partim impietate versentur, & provida Numinis cura Ecclesiæ ministerium, certis hominibus collatum, instituerit, ut lux præferatur errantibus, vacillantes autem confirmentur, immorigeri castigentur, & solatio perterriti erigantur; Theologo tanquam Ecclesiæ ministro pro muneris sacri ratione est datum, virtutem adnunciare eius, qui nos a tenebris ad lucem admirabilem vocavit h) homines insuper cum Deo ministerialiter reconciliare, ad imaginem, quam perdidimus, divinam, ad sanctitatem nimirum atque iustitiam magis magisque revocare, & sic perpetuum in munere suo agere reformatorem.

Tota vero eiusmodi Theologi reformatoris functio sacra, docendo, pietatem exercendo, impiosque redarguendo absolvitur.

Manet ergo summis Imperantibus tale ius reformandi proprium, ut eos severius excitent & corrigant, qui hac in re quoad externum divini Numinis cultum, quæ suarum sunt partium, negligunt, quod ius reformandi maiestaticum, non simpliciter a iure territorii dependet, sed potius legum

---

g) Nos habemus per Dei gratiam, Confessionem & Apologiam nostram, quæque iis consentientia docent Theologi nostri. Qui hæc sequi vult, ut nos facere, Deo adiuvante, constituimus, non opus habet ulteriori reformatione. Seckendorf. in Lutheranism. p. 615.

h) I. Petr. II, 9.

legum fulcris in Germania est munitum. i) Habentur in super fora quædam ecclesiastica, quæ consistoria vocare solemus, a summo Imperante, quippe qui omnibus, quæ quotidie occurrunt, negotiis, etiam quoad sacra expediendis, non sufficit, constituta, quibus inter alia præsertim data est disciplinæ ecclesiasticæ cura, ut citentur, examinentur & puniantur malitiosi; quæque in tollendis abusibus, corrigendis defectibus & promovendis Ecclesiæ commodis, cum Inspectoribus cuiuslibet Dioceseos, ipsorum nutui a summo Principe subiectis, quos Superintendentes appellare est consuetum, invigilare solent.

Postulat autem pariter munus ministri Ecclesiæ sacrum ex fine ministerii, qui est reconciliatio hominum cum Deo, k) & incrementum in fide & sanctitate, l) æstimandum, convincere errantes & redarguere male viventes, quem in finem etiam ipsa sacra nobis est data scriptura. m)

Hinc Theologus perpetuum agat Reformatorem, non ut suasionibus solum, quæ utilia sunt, promoveat, sed etiam  
noxia

---

i) Vid. Kestner (D. Henr. Ernst) Disputat. de iure reformandi in sacris. Rinthel. 1699. Comparentur tamen I. G. Reinhardi meditationes de iure principum imprimis Saxoniae ante tempora reformationis exercito. Halæ 1717. in 4. & Anonymi scriptum de iure reformandi statuum imperii Romano Germanici, cuius causa controversiam exortam cum Rittmeiero videre licet & in eiusdem Anonymi examine vindiciarum Rittmeirianarum & in Unschuld. Nachr. 1717. p. 1105. in qua controversia ius sacra reformandi principibus Romano-Catholicis imprimis denegatum est.

k) 2. Cor. V, 19.

l) Ephes. IV, 12.

m) 2. Tim. III, 16.

noxia quæque ad incredulitatem vel impietatem ducunt, in dicer, & hæc de causa eos adeat, in quorum positum est potestate, ut ea possint abrogare aut emendare.

Verum enimvero, non ad statum plane paradisiacum aut ad formam ævi apostolici ubique conformem Ecclesia evangelica temere est revocanda.

Talia molientibus commendandum est illud Senecæ effatum: Nulla ætas vacavit a culpa, & si æstimare licentiam cuiusque seculi incipias, pudet dicere, nunquam apertius quam coram Catone esse peccatum. n)

Nostris quidem temporibus, quod proh dolor! in aprico est, & omnes Theologi cordati dolent, tam conspicua veteris Apostolicæ Ecclesiæ candoris, quam amoris erga Deum & homines non fucati, exempla, ubique ferme desiderantur.

Sed talem in his terris aream haud scimus, in qua nullæ tritico paleæ inveniantur admixtæ, vel agrum, in quo nulla cum frumento zizania succrescant.

Valet potius Salvatoris nostri consilium: Sinite ambo crescere usque ad messem, ne forte, malas herbas colligentes, frumentum una cum eis eradicetis. Messis autem tempore mandabo messoribus, ut primum malas legant herbas, ac in manipulos colligant comburendas, frumentum autem in meum comportent horreum. o)

Habuit & Apostolica Ecclesia naves suos, ideoque hodiernam ab omni labe non esse immunem minime dubitamus. p)

B 2

In.

---

n) Epist. Senec. 97.

o) Matth. XIII, 29. & 30.

p) Vid. b. VVerndorf. in Disput. de Absolutismo morali, eoque

Interim tamen his temporibus, quibus fere ubique antiquus fidei & charitatis rigor laxatur, eiusque ardor, ut publica docent documenta, tepescit, in dies crescenti incredulitati, perfidiæ atque hypocrisis, obviam eatur ab iis necesse est, quibus hominum tam care redemptorum salus curæ cordique debet esse.

Quam ob rem sicut quilibet ordo in id quotidie incumbit, ut reformet, emendet & promoveat res suas, Princeps & magistratus in republica, paterfamilias in domo sua, ita non minus Theologus idem curare tenetur in Ecclesia. q)

Huius

---

Theologico VVitreb. 1715. & eiusdem Disput. de cautelis circa practicum in reliq. & theol. Aph. XII. & seqq. comparetur dictum Paulinum 1. Cor. V, 9.

q) Aequum atque iustum est, quemvis Ecclesiæ ministrum pro suo modulo, sed ordine ac decenter conferre operam, ut tot mala, quæ in ecclesia grassari cum dolore conspiciamus, eiici foras possint. Vid. D. Ioh. Bened. Carpzovii Programma de Luthero Reformatore Lips. 1690. Quodsi de corruptelis Ecclesiæ differendum nobis est, aliæ omnino sunt, quæ ad vitam & mores hominum pertinent, aliæ contra, quæ ad ministerium verbi & usum Sacramentorum referuntur. Ab illis quidem nunquam Ecclesiam orthodoxam vel fuisse, vel deinceps fore immunem, sacrae literæ aperte & diserte testantur, tantumque abest, ut Ecclesiæ nostræ hoc nomine patrocinemur, ut potius cordati Ecclesiæ ministri emendare, corrigere & arguere corruptos hominum mores, præcipuam muneris sui partem esse arbitrentur. Atque hæc reformatio fere quotidiana est. V. Neumannus in Disp. de Papatu Eccles. Orthod. §. VIII. p. 11. Impius tamen fuit Odelemius, qui reformatione Lutheri sectandi studium concitatum maxime esse contendit in præf. præmissa dem Wylsuschen Hauß der gottsel. Chthdes

Huius enim est, non imbecilles tantum atque titubantes hominum regere regressus, sed ut omnia simul decenter & ordine ad formam sanorum verborum in sacris literis traditam & b. Lutheri ministerio restitutam, r) fiant, sollicitè providere.

Adeoque superstitionem, incredulitatem, impietatem, & quæcunque fidem atque charitatem impedire videntur, eliminare, actionum sacrarum confusionem evitando, omnia ad iustam disciplinæ, in ordinationibus Ecclesiasticis præscriptæ, normam revocare, scandalum & effrænatam hominum peccandi libidinem reprimere sollicitè studebit.

Veritas quidem evangelica tum in libris nostris Symbolicis, tum in Lutheri & multorum aliorum sanorum Doctorum scriptis, luculenter exposita prostat; Cum vero

B 3

multi

zu Corinθο 1719. in 4. Quo peior est Christ. Democritus im An-  
fang, Mittel und Ende der Orthodoxie und Heterodoxie.

- r) Legantur hæcce uberius exposita in D. Adami Rechenbergii program. de iusta Lutheri reformatione. Lips. 1705. Es ist billig daß Lehrer und Prediger an der Reformation ihrer Gemeinden durch Lehren, Straffen, Warnen, Ermahnen und Wiederlegen nichts ermangeln lassen; demnach wundern muß, daß seine Colater sich so bald hatten abwenden lassen von dem der sie berufen, in der Gnade Christi, auf ein ander Evangelium. Galat. 1, 6. und befiehet Tito vollends anzurichten, da er gelassen. Tit. 1, 5. Ja Christus selbst, nach dem er doch dreymahl den Tempel zu Jerusalem mit sonderbahrer Sorgfalt und Eifer reformiret, hat doch seinen Jüngern und Aposteln noch genug darinnen und sonst zu segnen und zu säubern hinterlassen müssen. M. Gottfr. Balduni Sonn- und Festtäglicher Zeiten Gewinn. Dom. 10. p. Trinit. Quæst. Ob keine Kirche so rein und vollkommen, die nicht einer Reformation bedürfftig sey?

multi male docti eandem explicatam vel non intelligant, vel malitiose in perversos detorqueant sensus, imo non pauci ab illius tramite impie recedere minime erubescant, perpetua errorum atque vitiorum opus est emendatione, quam leges Ordinationum & Visitationum Ecclesiasticarum a ministris Ecclesiæ publice requirunt:

Quod si denique Ecclesia nostra in sensu latiori sumpta, quatenus quoad societatem externam improbos & hypocritas iuxta octavum Augustanæ nostræ invariatae Confessionis Articulum complectitur, nulla amplius indigeat reformatione: pœnitentia quoque ac renovatione vitæ quotidianæ haut erit opus, eiusque exercitium, quotidie ab animarum curatoribus, frustra inculcabitur. Sed quantum ad eiusmodi Theologi reformatoris imaginem pertineat, inter *Vos omnes, Fratres charissimi*, constabit.

Tremendum sane onus nostris humeris impositum videmus, animarum curam, emendationem & ad sanorum verborum typum formationem, in hac vita imperfecta, perpetuam suscipere, uniuscuiusque insuper nostræ curæ subiecti virtutes nosse atque vitia, postea moderari, malis mederi, bonorum quærere profectum, doctrinam tandem atque disciplinam temperare, ita ut neque severitate, neque indulgentia nimia, animas perdamus, sed cunctos molestissimi muneris numeros debite impleamus, omnem operam navare.

Loquimur ergo hic de Theologo, non qui qualemcunque eamque superficialiam rerum sacrarum fovet notitiam, & magis ad vitæ sustentationem, quam salutem animarum, quærendam, munus sacrum suscepit, quo sapius neque debita sapientia & prudentia, neque pietate necessaria atque

atque iusto zelo fungitur; sed qui gaudeat tam solida atque accurata fidei christianæ notitia, ut non solum possit, verum etiam velit Theologi reformatoris suimet ipsius & gregis commissi perpetui, officio rite perfungi, qui non satis habeat, fidem sibi comparasse subiectivam, sed qui circa alios quoque ministerialiter salvandos, per omnes dies, quantum valet, sit occupatus.

Quo itaque Theologus animas corrigendas ab interitu revocare & ad fidem æque ac pietatem reformare queat feliciter, ad omne opus bonum, præsertim ab Ecclesiæ ministro a Paulo requisitum, instructus s) inveniatur.

Hinc in sacris literis potens, de Deo rebusque divinis recte sentiat, libros Ecclesiæ nostræ symbolicos teneat, veritatem cælestem ut custodire & ab adversariis defendere sciat. Porro sit aptus ad docendum, ut sanam doctrinam dextre, convenienter, solide, ordinate, atque perspicue explicare, aliisque, verbum Dei rite secando, possit communicare. (\*)

Pieta-

- s) 2. Tim. III, 17. Ideo gentium doctor Paulus omnem scripturam θεοπνευστον utilem esse dixit ad doctrinam, ad reprehensionem, ad correctionem, ad iustitiæ disciplinam, ut ἀνδρως θεος homo Dei, Deo speciali quadam ratione consecratus, ἀπτις- fit, aptus πρὸς παν ἔργον ἀγαθόν, ad omne opus bonum comparatus, ubi quin per ἀγαθόν ἔργον ea opera intelligat, quæ speciatim ab ecclesiæ ministris requiruntur, non videtur dubitandum, etsi neutiquam excludenda sint, quæ Ecclesiæ ministris cum quibusvis Christianis sunt communia. Buddæus in Instit. Theol. Dogm. Libr. I. c. II. de revel. & Scriptura sacra §. 38.

(\*) Hæc ministri Ecclesiæ fidei peritia, e legitimo scripturarum & con-

Pietate non minus se commendet haut fucata & vitam confessioni conformem, munere dignam, agat, non quasi verbi divini ab illa dependeat efficacia, sed partim, ne, alios ministerialiter salvans, ipse pereat & culpa alios corrigentem ipsum doctorem redarguat, partim, ne salutarem verbi divini fructum intercipiat, infirmos offendar, securos obduret, paucis, ne, quantum doctrina forsân proficit & emendet, tantum noceat exemplo.

Præterea maneat animo, in formandis & reformandis animabus, forti atque intrepido, cum omnis periculi ab hominibus metuendi vel commodi accipiendi contemtu, ut nullo, qua rem ipsam, personarum habito respectu, religionis causam serio agens, Dei solius gloriam, Ecclesiæque quærat emolumentum.

Tandem se ubique sistat in hoc negotio prudentem. Respiciat homines emendandos & ad deperditam Dei imaginem magis magisque reformandos.

Aliter salvatoris ipsius exemplo errantes, aliter hypocritas & pertinaces sciat tractare: Aliter versetur, ad monitum Pauli Apostoli, in reprehendendo sene, aliter iuvene.

In quibusdam corrigendis, uti Nathan Davidem reprehendebat, singulari velut artificio utatur, alios præfractæ frontis peccatores, sæpius iam admonitos, legis fulmine, minime tamen iracundiæ affectui indulgens, sed iusto

---

conscientiæ sanctificatæ usu quotidiano impetrata, est unctio omnia docens 1. Ioh. 11, 27. dicenda, quæ tamen linguarum & disciplinarum adminicula non excludit, quarum illæ apertam, hæc distinctam, eruendi & docendi rationem suppeditant.



iusto zelo, omni animi modestia temperato, aggredia-  
tur. t)

Prudenter denique habeat simul rationem tempo-  
rum, ita, ut, quamvis sanam doctrinam *evangelios non ducatur*,  
seu eo tempore, quo toleratur & non toleratur, tractet at-  
que inculcet, neque tempus, quo fervens seriatque corre-  
ctio errantibus magis placeat, expectet, prudenter tamen  
ad suum finem rite consequendum agat, bene gerendæ  
rei occasionem non quidem dimittat, commodius vero  
aliquando expectet tempus ita, ut, quæ non in tempore  
dicta aut acta esse videantur, tantisper iure seponat.

Cito enim naufragium facit, qui obluatur ventis &  
pelago, ac, qui nihil plane tempori concedit, perpetuum  
quasi

- t) Monstra mihi hominem, qui sui neque contemptor neque ad-  
mirator sit, qui divinæ munificentiae dona procul invidia æquo  
pretio in aliis æstimat, qui affectus in ordinem cogere & animum,  
linguam & stylum moderari didicit, qui res quasque suis pruden-  
ter momentis librat, easque ita prosequitur, uti singularum ge-  
nio convenit, qui neque rigidus, neque mollis est, sed tractabi-  
lis; sine pusillanimitate lenis, sine lentitudine patiens, sine tetti-  
citate gravis, sine iactantia fortis, sine contumacia constans, ta-  
lem inquam mihi monstrato hominem, & ego cum vere mode-  
stum virum appellabo. Witius in Orat. Inaugur. Leidens. 1698.  
de Theologo modesto. Comparetur Hoffmanni (Gustavi Chri-  
stophori) oratio inaugural. de ea, quæ Theologum apprimè de-  
cer, animi moderatione, Kilix 1730. Vid. porro Summe Vener.  
Mosheim in disp. de theologo non contentioso. Idem de præ-  
cipuis doctoris Evangelici virtutibus, mansuetudine & leni-  
tate.

quasi bellum cum tempore gerens, finem sibi propòsitum magis evertet, quam ad votum obtinebit. u)

Officii ergo nostri parte haud postrema fungemur, *Venerabiles Fratres*, cum sic Theologi reformatoris ideam brevibus iam delineatam, per quotidianas, de ecclesiæ commodis, curas debite sequamur.

Semper enim & a nobis ad unum omnibus, animarum, quos Deus constituit, curatoribus, ut omni qua par est dexteritate, fide atque exemplo, redemptos, nostræ curæ commissos, ad imaginem in sanctitate & iustitia divinam, magis magisque reformemus, est allaborandum.

Apostoli itaque monitum, Ecclesiæ ministros iubens adhortari in sana doctrina, & arguere contradicentes, x) nulla unquam oblivione simus obliteraturi.

Perniciem ex incredulitate ac impietate propullulantem,

u) Vid. b. VVernsdorffii Disputat. elegant. de fervore, tepore, & frigore Theologico. Et legatur, quæ summe vener. D. Ernst Valent. Lœscher disserit; in historia von den Religions mot. in Vorbericht p. 24. quatuor ibidem in exercendo zelo gradus statuens. Evolv. porro Quensted, in Ethica pastorali p. m. 318. Semper in Theologo coniungenda est fidelitas prudentiæ; ut non debere solum ac studio indefesso omnia curet & promptus sit, sed apte quoque sciat cuivis in tempore alimentum dare; docente Salvatore Matth. XXIV, 4. conf. Tim. II, 2.

x) Tit I, 9. Videatur dissert. epistol. ad hunc locum, exhibens theologum Αντεχοµενον τε κατα την διδαχην πιστε λογε &c. Aut. M. Ioh Christoph. Fritsch, Lips. 1734. Verbum παρακαλειν adhortari, stricte equidem significat rogare, precari, hortari; sed lauius accipiendum esse puto ita, ut facultatem docendi, monendi & consolandi simul connotet. Illud pertinet ad officium didascalicum, istud ad pædæuticum & epanorthoticum, hoc vero ad pæra-cleticum.